

The Center for Research Libraries scans to provide digital delivery of its holdings. In some cases problems with the quality of the original document or microfilm reproduction may result in a lower quality scan, but it will be legible. In some cases pages may be damaged or missing. Files include OCR (machine searchable text) when the quality of the scan and the language or format of the text allows.

If preferred, you may request a loan by contacting Center for Research Libraries through your Interlibrary Loan Office.

Rights and usage

Materials digitized by the Center for Research Libraries are intended for the personal educational and research use of students, scholars, and other researchers of the CRL member community. Copyrighted images and texts are not to be reproduced, displayed, distributed, broadcast, or downloaded for other purposes without the expressed, written permission of the copyright owner.

© Center for Research Libraries

Scan Date: October 7, 2008

Identifier: s-m-000015-n13



مجموعه فنون

از

جمعیت علمیہ عثمانیہ

ایکینچہ

نومرو ۱۶

ربیع الاخر

استانبول

جمعیت علمیہ عثمانیہ مطبعہ سہندہ طبع اولنشد

۱۲۸۰



(بریتانیا اطهری تاریخ و جغرافیای)

علم جغرافیاچه اروپا اون التي قطعه یه منقسم اولوب بونلرک
دردی طرف شمال بسنده یدیی وسطنده بشی جهت جنوبیه سنده
واقع اولدیغی مجموعه مزك اوجنچی و دردنجی نومرولنده محرر
اروپا تاریخ و جغرافیای بمشده بیان اولمشیدی . طرف
شمالیده واقع درت قطعه نك برنجیسی بریتانیا اطهری درکه
بیوك بریتانیا و ایرلنده جزیرتین کیرتینی ایله بحر محیط غریبده
شتلند اطهری نامیه سکسان التي و هبرید اطهری اسمیه
اوجوز و اسقوجیانك جهت شمالیه سنده اورقاد اطهری نامیه
اوتوز و مانش دکرزده صورلنك اطهری اسمیه یوز قرق بش عدد
جزایر صغیره دن عبارتدر . بیوك بریتانیا و ایرلنده جزیره لری
انکلتره دولتنك اساس قوت و مکتبی اولوب اشبوا یکی جزیره ده
متمکن نفوسك مقداری اوتوز میلیون متجاوزدر . سائر جزایر
صغیره کلمجه بونلرک اکثریشی پك کوچك اولدیغی و بعضیاری دخی
اقتصادی هوا سبب و اسباب سائردهن ناشی قابل اسکان
اولدیغی . یوز الی قدری مسکون اولوب نفوس



موجوده‌ای دخی نهایت ایکوزیک نفره بالغ اولور . جزایر مذکورده‌دن بشقه بریتانیا اطهرندن معدود سکران قدر دها متفرق جزیره‌لر واردین . بونلرک جله‌سی انکتره دولتنک تحت تصرفنده اولدینغندن بشقه صره‌سی کلکجه منسوب اولدقلری قطع‌لرده بیان اولنه‌جخی اوزره دولت مشارالیه‌لرک قطععات سائره کره ارضنده دهاپک چوق ممالکی اولوب کافه سنک اهلای متمکنه‌سی یوز سکسان میلیون نفوسه تخمین اولنور .

جزیره بیوک بریتانیا

جزیره مزبوره مثلث الشكل اوله‌رق شمال غربیدن جنوب شرقیه طوغری طولی بر میلیون ایکوزیک ارشون یعنی سیر معتدل ایله یوز سکسان ساعت و عرضی جانب شمالده اوچوز التمش بیک ارشون یعنی التمش ساعت و وسطده اوچوز بیک ارشون یعنی الی ساعت و جنوب طرفنده الی یوز بیک ارشون یعنی یوز ساعته مقداری اولوب شمالاً و شرقاً بحر شمالی و جنوباً مانیش دکری و غرباً سن جورج قنالی و ایرلنده دکری و اورقاده و هبرند اطهری ایله محدود و نفوس موجوده سی یکرمی میلیون متجاوزدر . جزیره مذکوره ایکی مملکت کیره‌یه منقسم اولوب برینه انکتره و دیگرینه اسقوجیا نسیمه قنور . بعضاً بتون جزیره دخی انکتره اطلاق اولنور . ایشوایکی مملکت میلادک بیک التیوز اوج اریخنده قدر ایکی حکومت مستقله هیئنده بولنده‌رق سینه مذکورده برلشمش اولغله احوال تاریخیلرینک بشقه بشقه بیانی مناسب کورلشدور .

انگلتره قطعه سی

قطعه مذکوره جزیره مزبورہ نک اراضیچہ اویچ ربعدن زیادہ سنی
 حاوی اولوب نفوس موجودہ نک اون یدی میلیون مقداری وانگلتره
 دولت نک پایتختی اولان لوندره شهری قطعه مذکورہ در
 اوروپا نک الیوک شهری لوندره اولوب اویچوزالتمش ایکی بیک خانه
 وایکی میلیون سکر یوزیک نفوس حاویدر . رومالور وقتندہ یعنی
 ایکی بیک سنہ مقدم شهر مذکور عادتاً کوچک بر قصبہ اولوب
 زیدہ بیان اولنہ جغی ارزہ آنکل و ساقسون قوملری جزیرہ
 بالورود تشکیل ایلدکلری یدی حکومت مستقلہ نک بریسی اولان
 (اسکس) حکومتی حکمداری (ارکنون) شهر مذکوری بعض مرتبہ
 توسیع ایدرک پایتخت اتخاذ ایتش ایدی . مؤخرأ بیوک آلفرد
 زمانندہ انگلتره دولتی پایتختی اتخاذ اولمغله بالتدریج
 ذکر اولنان جسماتی کسب ایلشدر . (دورس) و (نورویچ) و (هول)
 و (نیوگستل) و (لیورپول) و (بریستل) و (فالموس)
 و (پیموس) و (پورتسموس) و (اوکسفورد) و (پیرمینغام)
 و (مانچستر) و (شفیلد) و (نوتینگام) و (قامبریج) و (بورق)
 شهرلری دخی قطعه مذکوره نک بلاد جسمیہ و معتبرہ سندندر .
 قطعه مذکورہ متوسط حالده منبت و محصولدار اولوب فقط
 معدنیاتجه فوق الغایہ زنکیندر .

انگلتره نک ایکی بیک سنہ مقدم احوالنه دائر شایان اعتماد
 روایات تاریخیه یوقدر . رومالورک رجال مشهورہ سندن بولنان
 ژول سزار میلاد حضرت عہسادن الی درت والی بش سنہ مقدم
 جزیره مذکوره یه ایکی دفعه عزیمت وقیح و تسخیرینہ بذل ما حصل

مقدرت ایتشیدی . صکره لری جزیره مزبوره ده قوه کافیه
بولند یریه مدیغدن دائره اطاعتدن چقمسیله میلادک قرق
اوچنجی سنه سی روما رئیس جمهورلردن (قلود) زمانده
جزیره مذکوره نك تکرار قمع و تسخیرینه مباشرت اولمش و مومی
الیهک اخلافی زمانده دخی تشبثات واقعه نك ارقه سی بوشلا نلیه رق
انکلتیه قطعه سی کاملاً قبضه تصرفه الوندقدن بشقه روما
عساکری آغریقولا نام جنرال تحت قومانده سنده اوله رق
اسقوچیا ده واقع غرامیان طاعلرینه قدر ایلرولمشلرایدی .
فقط بتون جزیره نك هیچ بروقنده کاملاً قمع و تسخیری مېسر اولمادی .
میلادک درت یوز اون برنجی سنه سی روما ایمپراطوری
هو نور یوسک جزیره مذکوره دن بتون بتون کف ید ایتسی
وانکلتیه قطعه سی اها لېسی بولنان بره تون قومی اسقوچیا اها لېسندن
اولوب فرصت بولدقجه انکلتیه قطعه سنه هجوم ایله انواع مظالم
وتعد یانه اجسار ایتکده بولنان (پیکت) قومنه مقاومندن عاجز
قالملریله الامانیاده متمکن ساقسون قومندن استعانه ایللری
اوزرینه طائفه مر قومه و بوللری تعقیباً آنکل قومی دوستقله
قطعه مذکوره یه دخول ایدرک یرلشمش و مؤخرأ اهای قديمه سنی
طرد و تبعید ایله بالاستقلال قطعه مذکوره یه متصرف
اوله رق ساقسون قومی درت و آنکل قومی اوچ حکومت
تشکیل ایلشلردر . قطعه مذکوره اوچ یوز الی سنه قدر
بو صورتله اداره اولنوب میلادک سکزیوزنجی سنه سی جلوس
ایتمش اولان ساقسون قومی حکومتلردن (وسکس) حکومتی
قرالی اغبر حکومت مذکوره نك جله سنی برلشدیره رک بر حکومت

تشکیلنی تصویر له شو نیتک قوه دن فعله اخراجنه یکر می بش سنه
 اوغراشد قدن صکره بالاخره اثر درایت و شجاعتی اوله رق
 حکومات بسبعه مذکوره بی کاهلا تسخیره موفق اولوب میلادک
 سکر یوز یکر می یدنجی سنه سی انکلتزه قرالی عنواننی حائز اولمشدر .
 انکلتزه دولتنک ابتدای تشکلی تاریخ مذکور دن اعتبار اولنور .
 مومی الیه اغبرز مانندن عصر مزه کلنجیه دکین انکلتزه ده سکر
 خاندان جالس سریر حکمرانی اولمشدر . برنجیسی ساقسون
 خاندانیدر که بوندن اون یدی ذات قاعد صندالی حکمداری اولوب
 قرال اول مومی الیه اغبردر . ایکنجیسی دانیارقه خاندانیدر که بوندن
 برنجیسی سوئنه نون اوله رق انکلتزه ده درت ذات اجرای
 سلطنت ایلشدر . اوچنجیسی نورمان خاندانیدر که بوندن درت
 قرال ظهور ایدوب برنجیسی کیلومدر . دردنجیسی
 پلانثارت خاندانیدر که بوخاندانن انکلتزه تختنه اون درت
 قرال جلوس ایدوب برنجیسی ایکنجی هازیدر . اشبوخاندان صکره لری
 ایکی شعبه یه منقسم اولغله بونلرک برینه لانقاستر و دیگرینه یورق
 فاملیاسی تسبیه اولنور . بشنجیسی تودور خاندانیدر که بوندن الی
 قرال جالس مسند حکمداری اولوب برنجیسی یدنجی هازیدر .
 التنجیسی ستوار خاندانیدر که بوندن بش ذات صندالی نشین
 سلطنت اولوب قرال اول برنجی زاقدر . یدنجیسی اورانر خاندانیدر که
 بوندن اوچنجی کیایوم نامیله یالکز برقرال جالس سریر سلطنت
 اولمشدر . سکرنجیسی هانور خاندانی اولوب زهام سلطنت
 الیوم بوخاندانک یداداره سنده در خاندان مشار الیه دن شمدی یه
 قدر بش ذات قاعد صندالی قرالیت اولوب التنجی حکمدار

حالا جالسہ سریر سلطنت اولان قراچہ و یقوتیادار .
 افادات مشروحہ دن اکلا شلدیغی اوزرہ انکلتہ دولتک ابتدای
 تسکلی اولان میلادک سکز یوزیکرمی یدیسندن شمیدیہ قدر یعنی
 بیک اوتوزالتی سنہ ظرفندہ انکلتہ تختہ سکز خاندانہ منسوب
 الی یدی ذات جلوس ایلشد . و مؤخرأ بیان اولتہ جغی
 اوزرہ ستوار خاندانندن ایکنجی قرال بولتان بزبجی شارل پارلمنتونک
 حکمیہ اعدام اولندقدہ قرالیت الغا ایلہ جمهوریت تأسیس و مشهور
 قرومول و بعد وفاتہ اوغلی ایکنجی قرومول رئیس جمهور نصب
 و تعین قلمش ایسده جمهوریت اون برسہ ممتد اولدقدن صکرہ
 فسخ ایلہ ینہ قرالیت ابقا اولمشدر . اشوایکی رئیس جمهوردخی
 حکمدارانندن عداولندیغی حالده انکلتہ حکمداراننک عددی الی
 طقوزہ بالغ اولور .

زمام اداره دولتک برخاندانندن دیگر خاندانہ صورت انتقالک
 و حکمداران مشار ایہدن تاریخچہ مشهور اولتلی عصر لندہ
 سرزده ساحہ ظهور اولان بعض وقوعات مهمہ نک بیلنسی
 انکلتہ تاریخچہ معلومات مجملہ حاصل ایدہ جکندن بروجه
 اختصار بیانہ ابتدار اولنور .

مشار الیہ اغبر انکلتہ قرالی عنوانی حائز اولدقدن صکرہ
 طقوز سنہ دہا معمر اولہرق میلادک سکز یوز اوتوزالتیسندہ
 وفات ایتمکله یرینہ اوغلی (ایٹولوف) و بعدہ صرہ سیلہ بونک
 اوغلاری (ایٹبولد) و (ایٹارد) و (بیوک آلفرد) جلوس ایتمشدر .
 بیوک آلفرد شجاع و فطین و دوراندیش و دقایقین بر حکمدار
 اولدیغندن تشکیل محاکم و مجالس و تأسیس مکاتب و مدارس

مثالو تنظيم امور حكومت و تربيه اهالى و رعيت خصوصاً
همم كثيره و مساعى جيله سى و قوعبولش اولديغندن انكلتره جه
مشاهير حكمداران دن معدود در . بونك اوائل سلطنتنده انكلتره يه
دائىمارقه لولر هجوم ايدوب ايلك دفعه منهرماً رجعت ايلشلا ايسده
دفعه ثابته ده بونك آفرده غلبه ايتشلا در . مشاراليه انهرزامندن
سكره خلى وقت ييغوله نشين اختفا اولوب بو ائاده اكثراً
چوبان قيافته كيره رك دائىمارقه عساكرى ايچنده كشت و كذار
ايله احوال و عاداتلرينه تماميله كسب و قوف ايتد كدن سكره
دائىمارقه لولر ايله تكرر محاربه يه قيام و نائل مظفريت اولوب
حكومتى استخلاص ايتش و يكرمى طقوز سنه تحت قراليدم
پايدار اولدق دن سكره ميلادك طقوز يوزنجى سنه سى وفات
ايدرك يرينه اوغلى ادوار جلوس ايتشدر . مومى اليه دخى يكرمى
بش سنه اجراى سلطنته ۹۲۵ سنه سى فوت اولوب يرينه
اوغلى (ايتلستن) و بعد وفاته برادرى (ادموند) قرال اولمش ايسده
مومى اليه ادمون التى سنه مرورنده (لئوف) نام كسنه نك خنچر
غدريله مقتول اولمغه تحت حكمدارى يه برادرى (ادرد) و بعده وفاته
يكنى يعنى مومى اليه ادموندك اوغلى (ادوى) و سكره بونك برادرى
(ادغار) جلوس ايتشدر . مومى اليه ادغارك مدت سلطنتى اون سكر
سنه تمتد اولوب انكلتره جه بعض قوانين معقوله وضع ايتد كدن
سكره ۹۷۵ سنه سنده وفات ايتمكه يرينه اوغلى ايكنجى ادوار
جالس اولشدر . مومى اليه ايكنجى ادوار اون اوچ ياشنده
اولديغى حالده جلوس ايدوب اوچ سنه مرورنده اوكى والده سى
الفريدامعز فتياله قتل ايتد يريله رك يرينه برادرى و مومى اليه نيك

اوغلی (ایکنجی ایشلرد) جلوس ایلشدر .
 مومی الیه فوق الغایه جین و متکاسل ودقایق اداره مملکتدن
 غافل اولدیغندن بشقه سریر حکمداری یه جلوسی والده سنک
 ثمره غدر و اهانتی اولغله اهالی کندوسندن متغربو لندیغندن
 ۱۰۱۳ سنه سی دانیارقه لوزک انکلتزه یه وقوعبولان هجو منده
 مقاومتدن عاجز قاله رق فراره مجبور اولغله انکلتزه تختنه دانیارقه
 قرالی (سوئنه نون) جلوس ایتش و بو جهته عنان اداره
 سلطنت دانیارقه خاندانی یدینه انتقال ایلشدر .

فقط سوئنه نون نائل اولدیغی مظفریت جسمه دن مدت مدیده استفاده
 ایده میوب انکلتزه تختنه جلو سندن برسنه صکره ^{خفته} وفات
 ایتکله مومی الیه ایکنجی ایشلرد انکلتزه یه عودت ایدرک تکرار جلوس
 ایلش ایسه ده ایکی سنه صکره وفات ایدرک یرینه ۱۰۱۶ سنه سی
 اوغلی ایکنجی ادموندک جلوسنده سوئنه نونک اوغلی قانوت
 رفع لوای مخاصمه ایدرک محاربات عدیده دن صکره بالمعا هده
 انکلتزه ممالکی ایکهسی بینده تقسیم قلمش و چوق کچمیه رک مومی الیه
 ادموند قانی ادریکک ثمره خیانتی اولق اوزره مقتولاً فوت اولغله
 قانوت بالاستقلال انکلتزه یه متصرف اولمشدر . مومی الیه
 اثر درایت و فطانتی اوله رق امر حکومته معتدلانه و عاقلانه
 حرکتله انکلزک نظر محبتی جلبه موفق اولدیغندن تبعه جدید سنک
 دائره اطاعتدن خروج ایده جکلرندن اصلا خوف ایتدیرک ۱۰۲۸
 سنه سی انکلتزه دن انفکاک ایله اسوج و نوروج اوزرینه عزیمت
 و ممالک مذکوره بی دخی قبضه تصرفه الدقدن صکره
 دانیارقه پای تختی اولان قو پنه ساقه کله رک برمدت اقامتله

بعضی قوانین معقوله وضعندن صکره انکلتزه یه عودت ایلمشدر .
 مومی الیه معاصری بولنان حکمدارانک بجهل سنه تنوقله مشهردر .
 انکلتزه یی تمامیه قبضه تصرفه الدقدن صکره اون طقوزسنه
 ده اجلاس مسند حکمرانی اولوب ۱۰۳۶ ده ارتحال دار بقا
 ایلمشدر . قانون باوصینامه انکلتزه یی بیوک اوغلی هارولده
 ودانیمارقه یی دیگر اوغلی ایکنجی قانونه تخصیص ایلمش اولمغله
 انکلتزه ایچون ایکی برادر بینده منازعات کثیره وقوعندن صکره
 هارولد ۱۰۳۹ سنه سی وفات ایتمکله انکلتزه تختنه ایکنجی قانون
 جلوس ایلدی . فقط اشوری ظالم وغدار اولدیغندن
 ایکی سته ممتد اولان مدت سلطنتنده اهالی حقنده فوق الغایه
 مظالم و تعدیات اجرا وسفا هتی سیئه سی اولهرق ۱۰۴۱ ده
 ارتحال دار بقا ایلمسیله وانکلز لک رک مومی الیهک وکرک سلفنک
 سوء حرکات وشدت تعدیاتندن بیر ار اولهرق دانیمارقه خاندانندن
 صفومش اولماریله ایکنجی ایشرلدک اوغلی اولوب فراراً نورماندیاده (۱)
 بولنان اوچنجی ادواری جلب ایله انکلتزه تختنه اجلاس ایلدیلر .
 بوصورتله انکلتزه حکومتی ینه ساقسون خاندانه عودت ایلدی .
 مومی الیه اوچنجی ادوارک جلب واجلا سنه ساقسون
 فامیلیاری معتبراندن قونت غودون سبب مستقل اولمغله
 جلوسندن از بر مدت صکره غودونک قزی ادیشایی تزوج
 ایتدی . بوجهتله غودون فامیلیاسی خاندان قرالی یه

(۱) نورماندیا قطعه سی اولوقت مستقل بر دوقه لقی اولوب
 الیوم فرانسه ایالاتندیر .

کسب انتساب ایتدیکندن و بالتدریج بین الاهالی پک چوق طرفدار پیدا ایلدیکندن اوچنجی ادوارک ۱۰۶۶ سنه سی بلا ولد وفاتنده هر نفدر انکلتره تختی حقوق وراثت اقتضا سنجه متوفانک یکنی ادغاره اصابت ایدر ایسه ده غودون فاملیاسی طرفدارانی قرال متوفی حین وفاتنده غودونک اوغلی هارولدی ولی عهد تعیین ایتشدردیه رک انتخاب اهالی ایله تخت قرالی یه هارولد جلوس ایلدی . انجی نورماندیا دوقه سی اولوب مومی ایله اوچنجی ادواره والده طرفندن اوزانجه قرابتی اولان کیلوم قرال متوفانک وفاتندن اول انکلتره یه کیتدیکنده ککندوسی ولی عهد تعیین اولمش ایدوکنی بالادما جمع ایتدیکی عسا کر کلیه ایله انکلتره یه هجوم و وقوعبولان محاربه لرده انکلتره لور مغلوب اولوب هارولد دخی اثنای محاربه ده وفات ایتکله صندالی قرالیه مومی ایله کیلوم جلوس ایتش و بو صورتله انکلتره تخت حکومتی نورماندیا خاندانسه انتقال ایلشدر .

مومی ایله برنجی کیلوم یگرمی برسنه مسندنشین حکمرانی اولدقدن صکره ۱۰۸۷ ده وفات ایدرکیرینه اوغلی ایکنجی کیلوم و بونک وفاتندن صکره دیکراوغلی برنجی هانری جلوس ایلشدر . مومی ایله برنجی هانری دخی تخت قرالیده اوتوز بش سنه پایدار اولوب ۱۱۳۵ ده وفات ایتکله حقوق وراثت اقتضا سنجه حکومت قزی مایلده انتقال ایتک لازم کلورکن برنجی کیلومک قزی آدک اوغلی اتیان انکلتره معتبرانی وپایاس طائفه سنی جلب ایدرک تخت سلطنتی غصب ایله جلوس ایلدی ایسه ده آنزوقونتی جو فروا پلاتنارتیک مومی البها مایلدن متولد اوغلی و نورماندیا دوقه سی

ایکجی هاری ادعای حقوق وراثتله جمع ایتدیکی عساکر
وافره یی بالاستصحاب انکلتزهیه عزیمت ایدوب طرفین محاربه یه
حاضرلنشیکن انکلتزه معتبرانک توسططیله مومی الیه ایکجی
هاری انکلتزه تختنه ولی عهد تعیین اولنق و اتیان حین وفاتنه قدر
تخت قرالیده پایدار اولنق اوزره قرار ویریلرک مخصوصه برطرف
ایلدش و برسنه صکره مومی الیه اتیان وفات ایدرک ۱۱۵۴ سنه سی
ایکجی هاری جلوس ایدوب بوصورتله انکلتزه ممالکی پلانٹازنت
خاندانی ید تصرفنه کچمشدر .

ایکجی هاری شجاع و درایتکار بر حکمدار اولدیغندن از زمانده
قوت و قدرتجه معاصری بولسان او روپا حکمدارلرینک
جمله سنه تفوق ایلدش و ایرلانده اطه سنک فتح و تسخیرینه
و انکلتزه محاکم و مجالسجه پک چوق اصلاحات نافعه اجرا سنه
موفق اولمشدر . و خیلی مدت اسایش اوزره اجرای سلطنت
ایدوب صکره لری انکلتزه رؤسای روحانیه سنک امتیازاتنه خلل
ویره جک بعض نظامات وضعنه قالدشمسی و معتبران رؤسای
روحانیه دن اولوب تشبثات واقعه سنه ممانعت کوسترن طوماس
پکتی اعدام ایتدرمسی جهته خلقک نظر نفرتنی جلب ایتمش
و فرانسه قرالی یدنجی لوینک مطلقه سی اولوب انکلتزه تختنه
حین جلوسنده تزوج ایلدیکی اله نورک ثمره تحریکاتی اوله رق
اوغللری دخی کمدوسنه عصیان ایلدش اولمغله بوندن متأثراً
۱۱۸۹ سنه سی وفات ایدرک یرینه ارسلان یورکلی لقبیله ملقب
اوغلی ریشار جلوس ایلدشدر .

مومی الیه ریشار جسور و غیور بر حکمدار ایدیه ده غایتله غدار و خونریز

اولوب حتی خریستیانلر طرفندن قدس شریفی الملق املیله
 قرون متوسطه ده ملت اسلامییه علیهنه وقوعبولان اهل صلیب
 محاربهلرینک دفعهٔ ثالثه سنده بولندهرق ایکی بیک بشیوزاسیری
 دفعهٔ قتل و اعدام ایتدرمشدر . مومی الیه فوق الغایه خشین مزاج
 اولدیغندن معاصری بولنان اوروپا حکمداراننک نظر خصوصتی
 جالب ایدرک اکثر اوقاتی حرب و قتال ایله کچمش وبالاخره
 انتهای محاربه ده مجروحاً و متأثراً بلا ولد ۱۱۹۹ سنه سی وفات
 ایلشدر . انکلتره نك هر طرفنده اوزان و مقیاسك سیاق واحد
 اوزره استعمالی مومی الیهك اثارندندر . وفاتندن صکره سلطنت
 اولوقت معتبر و مرغی اولان حقوق وراثت اقتضاسنجه بیولک برادری
 جو فروانك ارغلی آذوره انتقال ایتك لازم کلورایکن دیگر برادری
 ژان سان ترنخت سلطنتی غصب ایله جلوس ایتمش و مؤخرأ
 یکنی مومی الیه آذوری دخی کندی الیه اعدام ایلشدر .
 مومی الیه ژان سان تر اوصاف مقدوحهٔ غدر و خوزیزی الیه
 موصوف و امر حکومتی کندی افکار ظالمانه سنه تطبیقاً اداره یه
 مألوف اولمغله انکلتره معتبرانی بالاتفاق علیهنه قیام ایله قرالیت
 نفوذ و استقلالنی تقلیل و تحدید ایله برابر اهایلی حقنده بعض
 امتیازات اعطاسنی مبین بر شرطنامه تنظیم ایدرک مومی الیهه جبرأ
 امضا ایتدیرمشلردر . انکلتره دولتک حکومت مشروطه اصولنه
 کریشی تاریخ مذکور دن بدأ ایلش و مؤخرأ اصلاح و تحکیم اولمشدر .
 مذکور شرطنامه نك نسخهٔ اصلیه سی ترشه اوزرینه محرر اولدیغنی
 حالده البوم انکلتره نمونه خانه سنده موجود اولدیغنی مرویدر .
 مومی الیه اون یدی سنه اجرای حکومتدن صکره ۱۲۱۶ سنه سی

وفات ایدرک یرینه اوغلوار چنجی هانری طقوز یاشنده اولدیغی
 حالده جلوس ایلشدر . برقاچ سنه امور مملکت بالوکاله اداره
 ایتدیر یلهرک بعده مومی الیه زمام حکومتی کندی ید استقلالنه
 المش وفرانسه لو و سیچایاتین اها لسی الیه وقوعبولان محار بهلرده
 مغلوب اولهرق خلی مصارفه دوچار اولدیغندن انکلتزه اها لسنه
 تکالیف ثقیله تحمیل ایلسنندن و پدرینک امضا کرده سی اولان
 شرطنامه احکامنه رعایت ایتامسنندن ناشی رؤسای ملت علیهنه
 قیام الیه خلی منازعات و محارباتدن صکره قرالک افعال و حرکاتنه
 حصر نظر دقت ایتک و شرائط اساسیه حکومتی خللدن وقایه
 ایلک اوزره اصلزادگاندن ویکرمی درت اعضادن مرکب
 بر مجلس تشکیکنه قرار و یریلهرک ایجابی اجرا اولمش و مجلس
 مذکوره پارلمنتونامی و یرلشدر . فقط مجلس مذکور اعضاسی
 نفوذ لینی کندی فوائد ذاتیه لری طرفه صرف و استعمال
 ایلدک لری کورلدیکندن منافع اهای یی محافظه ایچون اعضاسی
 اهای طرفندن انتخاب اولنقی اوزره برده مبعوثان ملت مجلسی
 تشکیل قلمشدر . اشته انکلتزه دولتک درجه قصوای شوکت
 و اقتداره وصولنه باعث اولان مشهور پارلمنتونک اساسی بوصولته
 وضع اولمشدر . الیوم انکلتزه پارلمنتوسی ایکی مجلسدن مرکب
 و اعضاسی بیک نفر دن زیاده در . اعضای مومی الیهک در تیوزدن
 متجاوز ی یا بالوراثه و یا خود دولت طرفندن نصب اولان اصلزادگان
 ملت اولوب لورد مجلسی تعیر اولنور . و دیگر ی اهای طرفندن منتخب
 و مر سول التیوزدن متجاوز نادن عبارت اولوب مبعوثان ملت مجلسی
 اطلاق قلا نور . و انکلتزه جه کافه امور مهیده مذکور پارلمنتونک

استحصال موافقتی لازمه دندر . اوچکی هانرینک الی الی سنه
ممتد اولان مدت سلطنتنک اکثر اوقات بر منوال محرر مجبوراً اعطای
امتيازات و ترتیب نظامات ایله مرور ایدوب ۱۲۷۲ سنه سی وفات
ایتمکله یرینه اوغلی برنجی ادوار جلوس ایشدر .

مومی الیه برنجی ادوار شجاعت و درایتله متصف و اصول اداره
ملکه واقف بر ذات اولدینندن انکلتزه جه پک چوق اجرات
نافعه یه و تأسیس نظامات مستحسنه یه موفق اولدی . واسقوچیا
قطعه سنی برقاچ دفعه تسخیر ایلدی . وانکلتزه نک جهت
غریبه سنده واقع اولوب مومی الیه ک زمانه کلنجیه دکن حوزه
اطاعت ادخال اولنه مامش اولان غال مملکتی دخی قبضه تصرفه
الدی . و بوقتخی مختار اولق اوزره مخدومی و ولی عهدی اولان
ایکنجی ادواره پرنس دوغال عنوانی اعطا ایلدی . انکلتزه ولی
عهد لری ایچنده پرنس دوغال عنوانی الک اول مومی الیه ایکنجی
ادوار حائز اولمشدر . عن صلح رؤیت دعاوی یه مأمور اولان
محکمه ر دخی مومی الیه برنجی ادوار رمانده احداث اولمشدر .
بعد وفاته یرینه اوغلی ایکنجی ادوار جلوس ایدوب فرانسه
قرالی در دنجی قلبیک قزی ایزابلی تزوج ایتسی مؤخر
انکلتزه قرالیرینک فرانسه تختی ایچون حقوق وراثت ادعاسنده
بولنمبرینی مؤدی اوله رق ایکی ملت بیننده یوز سنه ممتد اولان
محاربه طویله یی منتج اولمشدر . مومی الیه زیاده سیله سفاهته
مائل و اداره ملکدن غافل اولغله رئیساری مومی الیه ایزابل
ایله برادری ادموند اوله رق اهلینک اکثری علیهنه قیام ایله
مومی الیه اخذ و گرفت و پارلمنتونک حکمیه خلع و حبس اوله رق

زوجہ سی مومی الیہا یک وصایتی تھکنده اولق اوزره اوغلی اوچنجی ادوار اون بش یاشنده و ۱۳۲۷ سنہ سندنہ تخت حکمداریہ اجلاس اولمشدر . مومی الیہا ایزابلک (موریتری) نام شخص ایلہ اولان معاملات فاحشہ خفیہ سی شایع اولہرق خلق کندوسندن متفر اولمغله زوجی حبسدن چقاریلہرق تکرار تخت قرالی نہ اجلاس اولنور خوفیلہ مومی الیہا کینجہ محبسہ ایکی کشی ارسال ایلہ قرال مخلوع مومی الیہک قارنہ قزدیرلمش شہش صوقدیرہرق اعدام ایتدرمشدر . فقط اوغلی مومی الیہ اوچنجی ادوار ارن سکز یاشنہ و اصل اولہ رق زمام حکومتی ید استقلالنہ الد قدہ والدہ سنک شریک جنایتی مومی الیہ موریتری قتل ایتمش و مومی الیہائی دخی بزقلعہ یہ حبس ایلہ وفاتنہ قدر اورادہ توقیف ایلشدر . مومی الیہ اوچنجی ادوار مشاہیردن اولوب فرانسه واسقوچیایہ غلبہ ایدرک قرالمرینی اسیر ایتمش وانکلترہ دولتنک مشہور دیزبانغی نشاننی و مملکتندہ پوستہ اصولنی دخی مومی الیہ تأسس و احداث ایلشدر .

اوچنجی ادوار الی سنہ اجرای سلطنتدن صکرہ ۱۳۷۷ سنہ سی وفات ایتکلہ یرینہ حفیدی ایکنجی ریشار جلوس ایلدی . مومی الیہ ریشار اوچنجی ادوارک الک یوک اوغلی و ولی عہدی اولوب پدردن اول وفات ایتمش اولان پرنس دوغالک اوغلی اولدیغندن ولی عہد زادہ بولندیخی ایچون مرعی اولان حقوق وراثت اقتضا سنجہ وارث تحت سلطنت کندوسی ایدی . حین جلوس سندنہ او ن یاشندنہ اولمغله عمو جہ لری لانقاستر دوقہ سی (ژان دوغان) دیورق دوقہ سی (ادموند لانغلی) و غلوس ستر

دوقه سی (لیونل) ریاستی تحتند اوله رق پارلمنتونك رأی و انتخابیله
بر مجلس وصایت تشکیل اولوب امر حکومت مجلس مذکورك
ید اداره سنه تفویض قلندی . چند سنه بو صورتله اداره مملکت
اولندقدن صکره ریشار زمام سلطنتی کندی ید استقلاله المیش
و فقط سفاهت و اخشامه زیاده مانل اولدیغدن مملکتک هر طرفنده آثار
عصیان رونما اوله رق تسکینی ایچون پک چوق قانلر دوکلمشدر .
رؤسای عصا بدن عوجه سی غلوسستر دوقه سنی طوتوب برقلعه یه
حبس ایله چند سنه صکره اوراده اجلیه وفات الیش و بعض مورخینک
قولنه کوره ریشارك امر یله خنق اولمشدر . دیگر عوجه سی
اولوب کندوسنه مخالفته بولنان لانقاستر دوقه سنك دخی
منفیاً وفاته باعث اولمشدر . مومی الیه ریشار برمنوال محرر
رقبای نفوذدن استخلاص کر بیان ایدرك تمايله مستقل بالرأی
اولدقده فوق العاده مظالم و تعدیاته جرأت ایلد یکندن انکلتزه
اهالسنده کمال استعداد عصیان نمایان اولدیغی صره ده مومی الیه
ریشار حزم و احتیاطه رعایت ایتیهرك دیگر عوجه سی یورق
دوقه سنی وکیل براغوب اسقو چایه عزیمت ایلدی . اهالی قرالك
غیبوتنی غنیمت عد ایدرك لانقاستر دوقه سنك اوغلی اولوب
فراراً فرانسده بولنان هانری یه خبر کوندر ملریله مومی الیه
بر مقدار عساکر ایله انکلتزه یه کلبش و اهالی طرفندن فعیق الغایه
مظهر حسن قبول اولمش ایدوکندن وکیل حکومت اولان یورق
دوقه سی دخی یاخوفاً و یاخود خیانتة اضلامقا ومت کوسترمیه رك
مومی الیه هانری طرفنه التحاق ایلشدر . ریشار بو خبری
استماع ایدرك علی العجله انکلتزه یه کلدکده اخذ و حبس اوله رق

جبراً استعنا ایتدیریلوب انتخاب اهاالی ایلله ودردیجی هانری نامیلله
 انکلتزه تختنه مومی الیه هانری جلوس ایتش ویرصورتلله انکلتزه
 تختی پلاستانت خاندانی شعبه سندن لانتقاستر فامیلیاسینه
 انتقال ایلشدر . و قرال سابق ریشاردخی محبسده اج
 براغیلهرق بلا ولد فوت اولشدر .
 (بقیدسی صکره) (قدری)

(مدخل علم ژئولوژی) (مابعد)

معادنك خواص مخصوصه لری

خالص تیمور معادن متطرفه نك جمله سندن سرت اولوب ثقلی دخی
 صویك ثقلتندن یدی کره زیاده در . اشبو معدن مائی به قریب
 قیررنكلو و جلا ی معدنیسی دخی چوق اولوب قوه تطرقیه سی
 قلیله ایسه ده قوه انجرا ریه سی زیاده در . یعنی يك اینجه لوحه
 شكلنه کیره میوب لکن اینجه تل اولمقلغه صالحدر . و درجه
 حرارت احرارده یومشاق اولوب زیاده حرارتده یعنی بیاض درجه
 حرارت دکن یومشادلدقده چکیج ایلله ضرب اولنهرق آخر تیموره
 اکنه بیلله خاصه سنه مالکدر که تیمور جیلر بیننده اشبو خاصه به
 قاینامق تعیر اولنور . خاصه مذکوره پلانته ده دخی اولوب اجسام
 معدنیه سائر ده یوقدر تیمورك مقناطیس ایلله مجذوب و کندوسندن
 دخی مقناطیس اعمالی ممکن اولدیغی مقناطیس بحثده تعریف و بیان
 اولمشیدی . خواص سائره میچون دخی کیمیا کابلرینه مر اجعت اولنه
 فقط بعضاً سمانن هبوط ایدن حدید سماوی بی بو محالده ذکر و بیان

ایمان مناسب کورنشدر . شویله که من القدیج محال مختلفه ده چکج
ایله ضربه صالح کلچمه مثالو تیمور پارچه لری بونلرک جنسی پک
اعلاز زیاده سیله متطرق ایسه ده فقط بر شکل غریبه کورلدیکدن
و بوایه اعمال صنایع اثری اوله میه جغدن ذکر اولنان حدیدلرک
سمادن هبوط ایلدکلرینه حکم اولنشدر . چونکه بونلرک اشکال
خارجیه لرینه ونسج و بنیان قرستالیرینه و هیئت داخلیه لرینه
نظراً کاملاً ارمش و مایع حالنه کرش اولدقلری اکلاشدیغی کبی
بعض خاصه لرینه و علی الخصوص درجه تطرقلری و جسامت
حجم لرینه نظر امعان ایله باقلدقه دهخی اعمال صنایع دن بولندقلرینه
حکم اولنور . و اگرچه بونلرک خارج کره ارضدن کلدکلرینه یالکر
احوال مذکوره نك دلیل قطعی اوله میه جفی درکار ایسه ده
بالدفعات سمادن بومثلومواد حدیده سقوطلی رأی العین مشاهده
اولنشدر . اوستریا ممالکی داخلنده واقع خروات مملکتک
زغراب نام شهری جوارنده واقع حرشنه دینلان کویده
۱۷۵۱ سنه میلادی سی مایسنک یکر می التجی کونی بعض حادثات
سماویه ظهور یله برابر سمادن ایکی جسم سقوط ایتدیکی مشاهده اولنش
و برقاج کیمسنه ایله مملکت ضابطلری موجود اولدیغی حالده جسدین
مذکورینک اوزرینه کیدیلوب اخذ و وزن اولندقه بری بش قیه و دیگری
یکرمی ایکی قیه اغرلغنده تیمور یارچه لری بولندیغی اکلاشلشدر .
اشبویوک پارچه حالا و یانه نمونه خانه سنده محفوظدر . بومثلو
تیمورلرک اشکالی و ترکیب کیمویلری بربرینه مشابه اولدیغدن هر قنغی
محلده تصادفی اولنسه مواد سائر دن فرق و تمیزی پک قولایدر
حدید سماویدن الات و اشیای سائر اعمال اولننه یلوب حتی

امر یقای جنوینده واقع بره زیایا مملکتی کسب استقلال ایلدیکنی
 تاریخده اسپانیا دوتخاسیله محاصره اولدیغندن خارجدن اسلحه
 و تیمورک جلبی ممکن اوله میوب اهالی بره زیلیا بیوک برحدید
 سماوی بولوب انکله طبانجه اعمال ایلدکری و هجرتک ۱۰۳۱
 تاریخده هندستانده واقع لاحود شهرنده سماندن هبوط ایدن
 تیموری کاملا اشیای متنوعه اعماله قوللاند قلری و بونلردن
 بشقه روسیه ایمپراطورلردن برنجی علیکساندر افر یقانتک جهت
 جنوبیه سی نهایتده واقع امید بروننده بولنش اولان حدید سماویدن
 برقلیح یاپدرمش اولدیغی معلوم و مشهوردر کره ارضک قطعاعات
 خسته سنده حدید سماوی بولنمده اولوب بشالتی یوزقیه اغرقده
 اولانته تصادف اولنش ایسده الک جیمی امر یقاده بولنشدر که
 طبقوز بیک اوچوزقیه تخمین اولنشدر بالاده بیان اولندیغی اوزره
 بومثالو تیمورک ترکیب کیمیویلری بربرینه مشابه اولوب جله سنده
 تیموردن بشقه نیکل و قوبالت و باقر و جزئی مقدار رصاص
 معدنلری و بعضی مواد سائر بولندیغی اصول کیمیایه تطبیقا
 تحلیل ایله اثبات اولنشدر معلوم اوله که حدیدن بشقه سمان
 بعضی احجاریک سقوطی دخی واقع اولوب بونلرک سمانده حصول
 وارضه سقوطلرینه دائر حکیمانک چوق رأیی وار ایسده بحرزدن
 خارج اولغله بیاندن صرف نظر قلندی اشبو تیمور معدنک
 محدث قشرارضده مدخل کلوسی اولوب انواع تیمور معدنلری و مواد
 سائر ترکیباتنده بولنازلر و کره ارضک درون طبقاتنده واقع طمرل
 استثنائولندیغی تقدیرده ینه بلا مبالغه قشر ارضک یوز قسمنده
 ایکبسی مواد حدیدیه دن عبارتدر و بعضی انهار ایله منابع دخی

کلی تیوری حاویدر . تیمورک بو وجهه مبدولیتی الله تعالی حضرتلرینک بر یوک احسانیدر . زیر اجسام معدنیه ایچنده حیوانات و نباتاته مضرتی واستعمالنده هیچ بروجمله محذور و خطری ازیوب بالعکس منافع متنوعه سی اولان معدن تیموردر . تیمورک احجاره دخی تأثیری اولوب بعضاً قوت ترکیبه و بعضاً قوت تحلیلیه مقامنده تأثیرایدر یعنی بعضاً احجارک قوه ارتباطیه سنی تزئیده باعث اوله رق صلابت کسب ایتدیرر مثلاً حدیدی حاری بعضی میاه یومشاق کیرج طاشلرینه و یا خود قوملو و طوپراقلی طاشلره نفوذ و تأثیر ایدرک از سنه ظرفنده ثخونت و صلابت کسب ایتدیرر و بعضاً دخی بالعکس احجارک اقسامنی آیروب تدریجه تحلیلنه بادی اولور .

بین البحار بیع و شرا اولنان تیمور انواع تیمور معدنلرندن استخراج واستحصال اولور . و تیمور جوهرلری هر دیارده بولور . کتبی و مواد سائره دن فرق و تمیزی آسان اولوب معادن سائره قدر درین محالرده اولمدیغندن استخراجی دخی ازلردن قولایدر لکن . صورت اذابه سی غایت زور و فروعات عملیاتی پک چوق اولوب فایده سی کلی سرمایه محتاج و فروزلرینک ترتیب انشاسی خیلی معلومات و مهارته موقوفدر .

جناب رب عزتک الطافی الهیه بی پایانندن اوله رق قشر ارضده تیمور معدنلری معادن سائره نک جمله سندن زیاده در . تیمورک انی ادمه هر حال وزمانده لزومی درکار اولغله احتیاجات ضروره دن معدود و هر حال صورته استعمالی ممکن و مقبولدر و اگر چه زرد و سیم صلابت و جلاری جهنبله و آب و هواده عدم تغیرلری

حسیله ممتاز اولدقلری درکار ایسه ده لز می مناسیله تیمورک
 جله یه تفوق و رجحانی اشکاردر . زیرا زراعت و فلاحه اول
 امر ده تیموره محتاج اولغین معدن مذکور مدنیت و عمرانک
 اسانندن معدود و بلکه موقوف علیهدر . و معادن سائر مک
 ایشلمسی تیموره محتاج اولوب تیمور اولماش اولسه معادن مذکوره
 هیچ برشیئه براهن ایدی . تیمور ایسه بونلره محتاج اولوب
 جله سنک یرینه قائم اوله ییلور و تیمورک یو فضائل و منافعی *
 و انزلنا الحديد فيه بأس شديد و منافع للناس * نص حکمت فصی
 ناطقدر . و اشبو عصرده مذکور معدنک استعجالی هر شیئده
 شیوع بولوب کوجک و یوک انیسهلری یله تیموردن انشا
 ایلکده درل . و انکله پک اینجه ایشلر وجوده کتوریلوب قیمت
 اصلیه سنه نظراً الشمس بیک قات قیمت اکساب ایتدیریلور فی الواقع
 امر بقا و یاخود اراضی مجهوله سائر مک کشفلرنده اهالی یه
 بالطه و چوی و بوکا مشابه شیلر وریلوب یرینه اتون و الماس
 کی اشیای نفیسه اندیغی و بو مبادله ده تیمور اتون و الماس ایله
 مساوی قیمته اعتبار اولندیغی معلومدر .

چلیک دینلان شی بر مقدار قاربونی حاوی تیمور اولوب بین التجار
 اوج نوعی واردر که بری طبیعی و بری معجونلی و بری دخی دوکه
 چلیکدر و هر برینک صورت اعمالی بشقه در بونلردن ماعدا برجنس
 معتبر چلیکدها واردر که هندچلیکی تعمیر اولنور و اشبوچلیک
 حامضات ایله طلا اولنسه طبان تیموری مثلاً و جوهر پیدا ایدر
 و بوچلیکلرک جله سی تیمور خالصدن سرت و متصوت
 و الاستیق اولوب قزل حرارته دکن نسخین و بعده صغوق ضویه

غطس اولنه رق منغودلقدده دهانز ياده سرتلك پيدا ايدرلك صولوچليك
و بو عمه دخی چلیكه صوو و رمه تعیر النور . و صوو و رملش چلیك
زیاده درجه تسخین اولنسه صوی کلیاً زائل اولوز . چلیك
قوه انجرا یه سی تیموردن زیاده اولوب شویله که بر اصبغك عشری
قطرنده اولان تیمورتل یوز قرق قیه ثقله متحمل اولوب قطر مذکورده
اولان چلیك تل ایسه ایکوز سکسان قیه ثقله متحملدر . و تیمور
قدر دخی پاس طوتمیوب اجسام معدنیه سائر ایله اذابه اولنه ییلور
مثلاً بر مقدار کش و یا پلاتنه و یا سائر معدنلر ایله خلط اولنه رق
اذابه اولندقدده دهانز اوله جغدن الات جراخیه والات سائر
نفسیه بی کشی حاوی چلیکلردن اعمال ایدرل .

عناصر معدنیه دن (مانعاز) نام عنصر معدنی علم ژئولوژیده بیلمسی
لازم اولان اجسامدن اولوب بو خصوصده اهمیت جهتیله
تیموردن صکره یعنی تیمور قدر احجار و معدنیانده منتشر دکل ایسده
لکن ینه معادن سائر دن زیاده بولور . و طبیعتده خالص مانعاز
بولنمیوب عملیات کیمویه ایله استحصال اولتان بیاضه قریب قر
رنکنده و حبوی البیان و غایت منکسر و غیر متطرق و غیر قابل
انجرا بر معدندر . اشبو معدن غایت عسرتله مذاب اولوب
حدیدکی مولدالمجوضه ایله امتزاج کیو یسی زیاده در . و ترکیب
معدنیه سندن متعددی کیمیاخانه زده و جام فابریقه لرند و آوان
سرلرینه و پورسلنا و سائر نقش لرند اشتغال اولور . احجار
اجناس مختلفه سنه نظر اولنسه اجسام عنصریه دن عدد
قلیلی قشرارضك حصولنه و ترکیب و تبدلنه مدار اولدقلرینی
مشاهده ایدرز فقط اجسام مذکور ناک اکثری بی طمر تسمیه

اولنان یاریقنری منفرداً املا و بعضاً دخی طبقات حجریه ارالنده
طبقات متوسطه تشکل ایلش اولدیغندن معادن مذکوره
عروق و طبقاتیله اعتبار اولنسه تعینات ژئولوژیده و احوال
حادثه مدخلی معنا ایدوکنی تفرس ایدرز
طبیعتده صاف وخالص بولنان معدنلره (معادن نابته) تسمیه
اولوب اسامبسی بونردر اتون کش جیوه قورشون ارسنیک
آنتیمون تلور پلاتنه بیسموت اوسمیوم اریدیوم وپالادیوم
بونلردن بعضیاری پلاتنه کی بری برلیله مخلوط اولهرق بولوب
خایطه طبیعی تسمیه اولور

اتون زمان قدیمدنبرو معلوم اولوب ندرتی حسبیه ذی قیمت بر
معدن اولدیغی مسلم اولغله حکمای متقدمین میانه سنده ملک
المعادن اسمیه مشهور ایدی . کشف و تحریسنه زیاده سیله
رغبت اولوب حتی اسپانیالورک هندغرینک یعنی امریقانک پک
چوق محالربنی قیم و تسخیرینه معدن مذکور ی کلیت اوزره بولوق
املی سبب اولمندر . زیرا اهالی قدیمه سنک نقل وریایتلرینه کوره
ایچروطر فلرده اتون معدنلری کثرت اوزره بولندیغنه اعتماد ایدوب محال
مجهوله مزبوره آلدورادو یعنی بلادالذهب تسمیه ایتش ايسهلرده
اوله نقل ارندیغی کی اتونی مبذول مملکت کشفه موفق الاله ماعشر
ایدی . فقط جهه نك مسموعی اولدیغی وجهه چند سنه دن یعنی
هجرت سنیه حضرت نبویه نك یك ایکوز التمش الی سنه سندنبرو
امر بقای شمالیده قالیفورنیا نام اراضی وسیعه ده بوانه قدر
ایشدلمامش صورتده کلیتلوو قوملره قاریشقی پک چوق اتون
بولنش و بوندن براییکی سنه صکره فلتنک جدید نام دیگر

اوسترایاده دخی قالیفورنیا معدنارندن زیاده التونلی قوملر کشف اولنشدر .

التون پلاتنه دن صکره جهه معادنن کثیف و تاثیرات خارجیه نیک کندوسنه تاثیر ججه معدنه ارلان تاثیرندن قلیل وحلی دخی عسیردر . زیرا هر نقدر صوده طورسه و حرارته عرض اولنسه ینه مقاومت ایدوب هیچ متغیر اریماز و اسلا پاسلانمز و حتی حامضات تاثیر ایدوب حلی ضمننده التون صوبی اسمیله معرف ارلان مایعی استعمال ایدرلر که مایع مذکور ایکی حامضدن عبارتدر یعنی ایکی قسم حامض فلور مولدالمائی یعنی طوزروچی ایله بر قسم حامض آزوتدن یعنی کوه رجه روخندن عبارت ارلان مایع محالشددر . جام فابریقه لرینک شدیدالحراره فروزاورنده التون قطعدری الزیاده درجه حرارته ایکی آی مدت عرض اولنسه وزتلرینه هیچ نقصانیت عارض اولمیدیخی و حتی صانیت اسمیله لرینه دخی هیچ برکوناخال کلمیوب متغیر اریماش بر محلی کشف ورؤیت اریمیدیخی محرب و مثبتدر . لکن شعاعات شمس وعدسی اسکل بر جام ایله تبخرایدوب اوزری موره قریب مائی رنگده وزجاجی بر قابوق ایله مستور ایلور .

بوندن مستبان ایلور که ال شدیددرجه حرارت دره التون تبخرایدوب ثابت مطابق دکلدر . و کندوسنک مذاب اولدیغی درجه حرارت دخی کش و باقرک مذاب اولدقلری درجه حرارت درن زیاده در . و اریماش اریمیدیغی حالده تدریج ایله صفوداسه اهرام مریخی شکلریده قرستالنور . اشته اتوک بو وجهه تاثیرات خارجیه ایله غیر متأثر اولسی ملائسه سببه معادن سازه بی ستر و محافظه

اینها همچون انتخاب اولنشد در یعنی معادن مذکورونك پاسدن
رقایه سیاه جلالینك محافظه سی خنده اتون استعمال ایدرلر.
معادن مذکور ایسه بواشسه پك اعلا کلور شویله که جزئی
مقدارله جوق سطح ستر و تذهیب ارانه یلور. زیرا اتون
شول راده ده قال الامتداد در که بالحساب والتجربه براونس یعنی
تخمینا سکر درهم مقدارله ایکینک یوز ساعت قدر طولی اولان
کمن تلی یالدرلق ممکندر. جله نك معلومی اولدیغی اوزره اتونك
رنکی لطیف صاری ایسه ده بعضاً پرنج رنگنده واکا قریب
رنکرده اولور. اتون علم زئولوز یجد تکا و ن متأخره و یا خود
جدیده تعبیر اولان اراشیده و نهر لک مجرا زنده حصصات ورمال
ایله بولوب حتی زوسه ممالکندن معدود و آسیا قطعده سیله
ارره یا قطعده سنی فاصل اورال نام جبال مسلسلله نك طرف
جنوبیسنده اتون پارچه لری کثرت اوزره بولوب بعضاً
یدی سکر قیه وزنده پارچه لری بولدیغی واردر.

اتون بالاده کدران ایلدیکی وجهه غایت اغرا و لوب ثقلت اغرافیه سی
۱۹۲۵ یعنی صویک اغرا لئندن ارن طنوز و بر ربع کره زیاده در
و یومشاقلاغی جهتیله اسلان رسم و هیئت وضعی اساندر. من اقدیم
اقرام و حشیه زینت مقایده پروتارینه اتون پارچه لری تعلیق
ایدرلر و بوکا مشابه سائرشیلرده استعمال ایدوب اعتبار و رواج
ویرلرایدی. و حتی امر بقانک اهالی قدیمده سی ییشنده اتونك
شیوعی شول راده ده ایدیکه خانه لرنده ارلان طابله و اسکند و بومثالو
اشیای بیتیه لری انکله تزین ایدرلرایدی. افریقا قطعده سنك
غرب جاننده واقع سواحله ده کبنا مملکتده آشتا نام مملکت

حکمدار اینک تختی و زر بنده بولانان اسمیکه سی صافی اتوندن اولدیغی و مملکت مد کرده نك ازخرا تسمیه ایلانور رجال و کبار لری کوکسلر ننه غایت صافی و خالص اتوندن معمول و بیوجک قطعده آی و یلدیز و سائره رسملری تعلیق ایلدک لری مر ویدر .

ادهم
ناظر نافعده و معارف عمر میه

(بقیه سی ضکره)

(صر پستان قطعده سی تاریخ و جغرافیائی)

ایالات ممتازة د لیت علیه دن بولانان صر پستان قطعده سنک احوال سابقه و لاحده سنه کسب اطلاع ایتک فائده دن خالی اولیه جغی جهتیه قطعده مذکوره نك تاریخ و جغرافیائیه دایره بعضی معلومات جمعه اعطاسانه مبادرت اولد نور .

صر پستان کدازانه قدیمده برنجی مز یادن (۱) عبدالانوردی شمسی ایالات ممتازة دولت علیه دن اولوب شمالاً اوستر یام لکندن ارلان مجارستان و شرقاً انلاق وودین و غرباً بوسنه و جنوباً نیشانیاته الله محمده و محاطدره سطحه و قریه (۳۶۵۰۰ کیلومتره سی

(۱) از غده قدیمده مز باد بو بوسنه دن ناقره دکره قدر ممتدار لان و ممالک محروسه شاهانه نك شمال طرفی بولانان قطعده اطلاق ایدرلر ایدیکه صر پستان ویش ایالتیه انلاق و بلغارستاندن عبارتدر . مز بالظنی بتاتقی معناسنه اولوب قطعده مذکوره نك بو وجهه تسمیه سه سبب دخی راده طوئه رسائر نهر لدن پدار لان بتاتقلقرار لیدیغی مسطور کتب تواریخندر . رومانولر بورا زنی

مر بعدن یعنی مشی معتدل ایله (۶۴۱۶) مربع ساعت ۴۰ دقیقه دین
عبارتند. واهالیسی تخمیناً (۹۰۰۰۰۰) نفوسه بالغ اولوب
مرکز اداره شی بلغراد در که صربلور لسا نلرنجه اقشهر معنا سنه
ارلان شوغراد تسیه ایدرلر.

صربستان دن درت بیوک نهر جریان ایدر. برنجیسی جهت
شمالیه سنده واقع ارلان وجهه سنک اعظمی بولان طونه در که
الامایاده راقع بادغراند وقه لغدن نبعان ایله باریرا و استریا
ومجارستان دن بلغراد ارکندن بکه رنک افلاق و بلغارستان بیننده حد
فاصل اوله رق خضر الیاس وسنه وکیا تسیه ارانور اوج بوزادن
قره دکه نه منصب اولور.

ایکجه سی صاوه نهر ایدر که بوسنه ایالتیه صربستانک طرف
شمالیری خدردی اولوب استریا ده آکپ قارنیک نام طاغاردن
چبقه رق و (۹۰۰) کیلو مترولق یعنی سیر معتدل ایله (۱۶۰) ساعتک
مسافه طی ایدرک بلغرادده طونه ایله برلشور.

ارنجیسی موراره در که بری موراده شرقی ردیکری موراره غربی
تسیه اولور ایکی ایرمک الاجه حصارک بر ساعت مسافه
یوقاری سنده برلشمسندن حاصل اوله رق و صربستان ایکی به
تقسیم ایدرک سمندره ک بر بچوق ساعت مسافه شمال شرق سنده
قویقه نام محله طونه نه منصب اولور.

ضبط ایندکری وقت وسعی جمعیله اداره شی مشکله کورمکین
ایکی به تقسیم ایشلر و برنجی قسمته که صربستان ویش ایالتیدر برنجی
مزیا و یاخود مزایا بالا ایکجه سنده که انلاق و بلغارستاندر ایکجه
مزیا و یاخود مزایا زیر تسیه ایشلر ایدی.

درد نبیسی درین نہر یدر کہ آلب دینارک طاعارندن چہ قدر ق
وہوسنہ بی صربستاندن تفریق ایدرک ہوسنہ بلیمانام
محک اوچ ساعت مسانہ شمال شرقی ہوسنہ صاوا ایلہ برلشور .

صربستان انیدی قضایہ منقسمدر کہ بلغراد مع حصار جق
وسمندره و پوزار فچہ زقرایتہ و چرنوویچ و غورغو سنچہ راقسچہ
والاجہ حصار و یاغودینہ و کوپری مع پراکن و قراغوبینچہ
وردنق و چاچہ و ارزچہ و والیہرو و پودرینہ و بوکردلن
قضال یدر .

صربستاندہ و علی الخصوص جنوب طرفندہ غایت یوکسک دماغلر
اولوب ہونادہ تیمور و باقر و قورشون و جیوہ و طوز معدناری
و شمال طرفندہ کیلردہ بوک ہبشہ و جام اورماناری واردلکن معادن
مذکورہ مک ایستندیرلسنہ ارقدر اہتمام اولاساقندہ در .
ایات مزبورہدہ موسم صیفہ پک صبحاق اولدیعی کہ فصل
شادہ دخی صغوق تحمل اراکز درجیہ وارر وایلول آئندہ
پک چوق یغور یاغوب شدید روزگارل اسر .

ارابسی ممالک محروسہ مک سائر طرفلری درجہدہ منت
و محصولداردر : اہالبسی بغدادی و مصر و دارواکوب کتان
و توتون و کویر و اوژم دخی یتشدیرلر کہ ہوندن غایت کہکین
شراب چقارلر . و دارودن دخی برنوع ہوزہ اعمال وارکدن
لسانزدہ سلیو وویچا تعمیر اولور برنوع عرق نقطہ ایدرلر .
ہونکہ برابر طبیعتلری اقتضا سنچہ زر اعتدن زیادہ صیدر شکارہ
و حیوان یتشدیرمکہ میل ایدرلر . خصوصیلہ قیون و اینکدن
زیادہ جناور یتشدیروب ہو پوزدن اوروپا ایلہ سنوی اون پسی

اون سکز بک فرانلق تجارت ایدرل حتی بالکز صرستان باش
 کنزی سابق میاوش بک چنلکارنده یشدرد کی جنارلردن
 بری بری ارزینه بهرسنه برحق ملیون فرانلق قراندیخی متواتر
 و کولردن اولوب ا رویایه و علی الخصوص فرانسیدیه خیلی سوک
 کوندرلر و اراده کثرت اوزره بولان تویی چوق بزوع طاوشان
 دریسندن اعلا کورا دخی یاپارلر . صر بلور همجواری
 بولان بوشناق رکی غایت مشکل ایسه ده قانی صفوق و معند
 بر ملتدر . تکلم ایتدکری لسان (سقلابجه) اولوب بونکله
 بوشناق و بلغار و قره طاغلور دخی سویاشور . لکن بوشناق
 و قره طاغلور لسان مذکوری دهاکسین تلفظ ایدرلر . و بلغار
 روسیه لساندن مأخوذ بعض الفاظ و تعصیرات قارشدره رق
 سویالر . صر بلور ایسه بوناردن دهاکوزل تلفظ ایدوب شیوه
 وادی لسان الی وادایسی یکنده مساویدر .

دوستلق عندلرنده زیاده مقدس اولوب همان ججه سنگ
 بر آخرت باباسی ویا انا ویا قرداشی واردر . خانوارینه وارنجه
 یئلرنده عقد رابطه اخوت ایدرب یکدبکرلینه کمال عیل و محبتله
 (پوزسترعا) یعنی همشیره دبرل و بصورتیه ایلان قرابت و محبتلرینک
 دائمی خلدن وقایه سنه افراطله سعی ایدرلر . بوباید اولان تقید
 و دقتاری به درجه ده اولدیخی زرده محرم فقره دن معلوم الور .

صر بلورک عصیان زبانه ایکی آخرت برادری بر کوزل
 عثمانلی قزینی اسیراید ب بوکا ایکسی بردن تعصقه قطع علاقه
 مشکل و انجام کار شوکیفیت یئلرنده کی دوستی و اخوی عداونه

مبدل اراہ جغنی لدی التیقن بچارہ قزل قانی اختیار ایتلدر بونقرہ
مثل قبیلندن اولوب بر معتمد تاریخ کابنده کورلشد
(حبذا وسوسه شیطان)

(بقیہ سی مسکرہ) باب عالی ترجمہ اوطد سی خلفا سندن

رفت

(اصول تأمینہ)

فرانسز جہ آورانس و ایتالیا نبجہ سیغوریلطہ تعیر انسان
اصول تأمینہ اور ویاک اکثر محالندہ مزعی اولوب بالتجربہ
فوائد کثیرہ سی کورلدیکتدن کون بگون کست وسعت و اہمیت
ایتمکدہ در اصول مذکورہ نک محسناتی ممالک محروسہ حضرت
پادشاہیدہ ہوز معلوم ارمیدین بونک اساس زانواعہ وفوائد
متنوعہ سندن دایرہ من معلومات مجملہ اعطاسی مناسب کورلشد
ہر بر دولت منتظمہ نک وظائف طبیعہ سندن بری تبعہ سندن
اعوال و املاک سیانیت قضیہ سی اولوب شومتصدہ وصول بحون
برقوہ کافیہ رابطہ استخدام ارنقہ ایستدہ قوہ مذکورہ
تبعہ ی انجق اشرا و ادبسنز و اشقا و خرسن مقولہ سندن اتصال
ایدہ جکری ضرردن وقایہ ایدہ بیلوب یوخبہ حریق وقوعیہ
بیوت و دکا کین یاغسی و دکرده سفایک قضا زده اولسی مشاو
آفات سماویہ وقضای ناکہانیدن ناشی اہالی یہ ترتب ایدہ جک
ضرر و زیانک منع وقوعنہ مقبدر اولہ میہ جغنی درکار اولد یغندن

به بایده تدابیر سائره اثباتی لازم گمشد. و ذکر اولیایان
آیات سار به قضای ناکهائیک منع وقوعی قدرت بشر به دین
خارج اولد یغندن هیچ اولمز سه بر شخص فلا کترده اولدیغی
حایده ابنای جنسک عظمه معاونت اوله نملک اوزره بر اصول
احداثیه لزوم کورینوب شو معارفت ماده سی ایسه براده انساب
ایده جک ضرره ممکن مرتبه اشخاص کثیره یی تشریک دیمک
اولدیغی مثلاً یوز بیک غرضلوق بر خانه محترق ایسه اشبویوز بیک
غرض ضرر یوز ککشی به تقسیم اولدیغی حایده اصلاً حس
ایتمه جکری درکار اولوب فقط بر شخص اوزرنده قالور ایسه
بلکه بتون بر فامیلیانک دو پار فقر و پریشانی اولمغی مستلزم
ارله جغی اشکار ایلمه قضای وقوعه ولان خسار و زیانک عندالایجاب
بر معاونت متبایله صورتنده اولمق اوزره ممکن مرتبه اشخاص
کثیره یه توزیع تقسیم ابدلک اهلایک علی الانفراد تأمین احوالی
افکاری سیغورطه اسوانک احداثیه باعث ارمشدن فقط
نتیجه مطلوبه یه وصول اچون کافه اول متخذه نک بر قاعده
معلومه اوزره و س اولمسی لازمده دن اولدیغی حایده فرضاً
یوسنه قره دکرده قاج فرطه وقوعه اوله جغندن وهر بر فرطنده
قاج کن قضایده اولوب بونارک اثمانی نه مقداره بانج ارله جغندن
وهر سنه قاج دفعه حریق وقوعه اولوب قدر خانه یانه جغندن
و برادمک قاج سنه معمر اوله جغندن بحث ایتمک قواعد حسابیه
صمنز و قیل او قوع بیلانز بر طاقم عارضی و انسانی کیفیاته متعلق اولوب
منعیانن بجه بکرزکی کورینور ایسه ده کلیای انسانی ظن ایتد بکرز

وقوعات بیله بر قاعده تختنده اولوب بوناک ایچون بر حساب ریاضی دخی موجود ایدوی و نجوم سیاره حرکاتک بر دستور جبری ایله تعیین و اراثه سی ممکن اولدیغی کی بر مدت طویلله ظرفنده وقوعی محتمل اولان حادثات اتفاقیه مقدارینک دخی قبل الوقوع استخراج و اخباری قابل اولدیغی علوم ریاضیه اربابی عندنده متحقق و مشیدر. مثلاً فلان کسسه نک طوغه جق چو چوغی اوغلان و یا خود قیزمی اولور سئوالنه جواب اعطاسی بحال ایسه ده علی العموم بر قاج سنه ایچنده تولد ایدن چو چقلرک تققداری اناث و تقدری ذکور اولدیغی بیلنه ییلور. چونکه دفعاتله بر مدت معینه ظرفنده تولد ایدن چو چقلرک دفتر اوانه رق بونلرک یکر می بری اناث و یکر می ایکی سی ذکور ظهور ایتدیکی یعنی تولد ایدن ذکورک اناثه نسبتی یکر می ایله یکر می بریننده اولان نسبتیه مساوی اولدیغی تبین ایتشدر. اشته شو قاعده مجربه اساس اتخاذ اولنهرق بر حساب یا پلسه البتده یا کلاش اوله میه جغی در کاردر حادثات اتفاقیه دن معدود اولان وقوعاتک بر قاعده اوزره تکرر وقوعی خالق تعالی و تقدس حضرت لرینک مخلوقاتی بیننده و جودی در کار اولان موازنه خفیه عمومیه نظر عقلا واجب اولدیغندن ماعدابو بایده ترتیب اولنان حسابلرک صحت و استقامتی و فیات و حریق و سفینه تلفاتی مثلاً لوقضیه لرده و کاغد و زار او یونلری و بیاتقو کی لعبیاتده دخی بالتجر به تحقیق ایتشدر. بعضا قاعده متخذة تخلف ایتسه بیله بویکیفیت مجرد اتخاذ اولنان اساسک عدد دجه و یا خود مدتیجه عدم کفایتندن نشأت ایتش اوله جغی مسلم ارباب تحقیقدر. سیغورطه بخشه کلنجه بالفرض قره دکرده سیر و سفر ایدن

سفینه لردن سینه بسنه بری بری اوسته قرق کیده برکی تلف
اولقده ایدوکی لدی التحقیق تبین ایتدیکی حالدده قره دکر تجارتیه
مشغول اولان اهل سفایندن بریسی کیسینی سیغورطه ایتدیرمک
یعنی کیسی شاید قضایه اوغرار ایسه قومپانیا تضمین ایتک
اوزره سیغورطه قومپانیاسیله برهقاوله عقد ایتک ایستدیکی
حالدده سیغورطه اچقه سی نامیله ذکر اولنان کی بهاسنک قرقده بری
یعنی مذکور کی یوز بیک غروش ایدر ایسه ایکی بیک بشیوز
غروش ایله قومپانیانک تمیمی اولمق اوزره برهقدار جزئی دیگر مبلغ دخی
النه رق کی سیغورطه ایدیلاور: بوضورتله قومپانیای قرق سفینه سیغورطه
ایتدیکی حالدده ایچندن بری قضازده اولور ایسه سفاین سائر دن الدیغی
سیغورطه اچقه سیاه تلف اولان کی بی تضمین ایدوب اشته بواصول ایله
هم اموال تجاریه تلفدن وقایه اولمش و همیده سیغورطه جیلقله برحق ادم
تعیش ایتش اولور .

سیغورطه جیایق اوروپاده باشلیجه بر صنعت حکمنه کیرمش اولدیغندن
علی الانفراد بو تجارتیه اشتغال ایدن پک چوق تجارت اولدیغندن بشقه
نیجه یوک قومپانیای دخی وار در: و قومپانیایک سرمایه سی اکثریا
کلیتوا اولدیغندن اوچ بش یوز غروشلقدن اوتوز قرق بیک لیرالغه قدر
اشیای سیغورطه ایده بیلوب یالکز کندی باشنه سیغورطه جیلقلی اجرا ایدن
تجارتیه ایسه هیچ بریسی قرق الی بیک لیرالق سیغورطه یه کیرشه میه جکندن
منتظم سیغورطه قومپانیاسی اولیان محال ده قرق الی بیک
لیرالق بریشیک سیغورطه سی لازم کلدکده قرق الی کشی به
بیکر لیرا سیغورطه سی اجرا ایتدیرلاور: و بوضورتله سیغورطه
اجرا ایدن تجارت دخی برنوع قومپانیا هیئته کیرمش اولور .

سیغورطه اصولی نصل اساس اوزرینه موضوع اولدیغی
ومجرد طالعه محول بر تجارت اولیوب تجربه ایله محقق و مثبت بعض
قواعد حسابیه مبنی بولندیغی ایضا حات مذکوره دن اکلا شمش
اولغله سیغورطه انواعنک باشلیحه سندن بعضیرینک بیانیه
ابتدار اولنور .

بالجمله سیغورطه انواعندن اک اسکسی دریا سیغورطه سی اولوب
اشبو سیغورطه سایه سنده تجارت بحریه فوق الغایه کسب
وسعت ایلشدر . بونک فوائدی تجارت بحریه ایله مشغول
اولنلرک معلومی ایهده عموم خلقجه اولان جهت منفعتی اکثر
ناس عندنده مجهولدر . دریا سیغورطه سی اولسه تجارت بحریه یه
پک از ادم هوس ایدوب بونلرده بر محلدن دیگر محله نقل ایده جکلری
اموالک دکرده کلیا تلف اولوق تهله که سته مقابل اموال مذکوره بهاسنه
برچوق تمتع ضم ایتکه مجبور اوله رق بو جهته اشیا فیثاتی ایکی
اوج قات زیاده اولدیغی درکاردر .

دریا سیغورطه سی مجرد فورطندن کی یه ویاخود حوله سته ترتب
ایده جک ضرر خصوصنه منحصر اولیوب دشمن سفاینی وقورصانلر
تسلطندن وسفینه قیودانی ویاخود طائفه سنک عدم اهلیت
وخیانتدن ناشی وقوعی ملحوظ اولان خسارات حقنده دخی
سیغورطه اصولی اجرا اوله ییلور . شو قدرکه بو مقوله تهله که
وقت وموقعه کوره بعضا کثرت اوزره وقوعبولوب بعضا
ایسه پک نادر ظهور ایلدیکدن بو مثالو ضرر و زیان تضمیناتنک
تأمینی ایچون طلب اولنسان سیغورطه ایچده سی دخی وقت وحاله
کوره کاه ترقی وکاه تنزل ایدر .

اليوم ربع مسكونه الك مشهور دريا سيغورطه سي لوندزده بولناس
لوئد نام دريا سيغورطه سي اداره سيدر كه مستقل بر قومانيا
هيئتده اوليه رق بيوك برخان ايچنده مقيم ومنفردا سيغورطه ايله
مشغول اولان برطاقم تجار دن عبارتدر . دريا ده بولنان مالي
سيغورطه ايتدير مك استيان مذكور خانه كيدوب شرائط
مندرجه سي معاوم اولان وصورتلري مطبوع اولوب يالكزكي
وقودانك اسمي وحوالهك نوعي وسيغورطهك مقدار ومدتي وامثالي
اشارات اولنه جق يرلري اچيق براغلمش بولنان سيغورطه
قونطورا توسي سندلرينك بر نسخه سني ارائه ايله خان سيغورطه جيلر دن
كيمي بشيوز وكيمي بيك وكيمي ايكي واوچييك ليرا سيغورطه سني تعهد
ايدرك سند مذكوري امضا واقتضايدين سيغورطه اچيه سني
اخذ واستيف ايدرلر . بو صورته سيغورطه اولنان بركي كيده جكي
محله كيدوب بالسلامه عودت ايدرايسه سيغورطه جيلر الدقلى
اچيه ي قزانمش اولوب بالعكس سفينه مذكوره قضاذه اولديغي تحقيق
ايدر ايسه سيغورطه جيلر حصه لري نسبتجه تضمينه مجبورلدر .
بو مثالو سفينه لك قضاذه اولسي صحيجا وقضاء وقوعبولوب
بركونه حيله وفساد قارشامش اولديغي تحقيق وتدقيق ايچون
هر بر ليانده لوئد سيغورطه جيلرينك مخصوص ما مورلري واردر .
ايكي اوچ سنه مقدم چناق قلعه سنده بولنان انكلتره قونسالوسي
موجود اوليان بركي يي لوئد خاننده سيغورطه ايتديروب برمدت
صكره كي باتدي ديوكليتلو تضمينات ادعاسنه قانقشمش ايسده
بعدا التحقيق فسادى تين ايتمش و بو مثالو حيله كارلق ايسه عاداتا
جناياتدن معدود بولنمش اولغله محازات شديده يه كرفتار

اوله جنئی بیلدیکندن غیبوت ایدوب الان یقه بی اله ویرماشدر .
 لوئد خاتنده هر کون اجرا اولنان سیغورطه دن طولایى الثان مبالغ
 یخد و قیاسدر . لوئد سیغورطه جیلغی اساسنه تطبیقاً
 مؤخرأ ترسته ده دخی بر سیغورطه قومانیاسی تسکل ایدرک لوئد
 اسمنی المش و کیدرک یلیدیکمز مشهور نمسه واپور قومانیاسی هیئته
 کیرمشدر . دریا سیغورطه سنک پک چوق شرائط و نظاماتی اولوب
 کتب قانونیه ده بر تفصیل محرر و مشروحدنر .

(آلکساندر)

(بقیه سی صکره)

(خلاصه بولنییه)

لهستان مسئله سنه دائر دول ثلثه طرفدن اوچینجی دفعه
 اولمق ارزره روسیه دولته اجرا اولنان تبلیغاتیه انسان جوابک
 خلاصه مالی مسئله مذکوره روسیه نک امور داخله سندن
 معدود اولوب بوکلا اروپا نک مداخله یه حق اولدیغنی بیاندن
 عبارتدر . دولت مشارالیه ناک اولکی جوابلرنده بوضورتله
 قطعی لسان قوللا تمامسی افرار وقت ایله موسم شتاک حلولی
 کوزتمک غرضنه مبنی بولنمش اولدیغنی بوکره تمامیه میدانه چیقمشدر .
 شو حال پراغفال بالطبع دول ثلثه یه تأثیر ایدرک بینلرنده مخبرات مهمه
 متعاقبه اجرا اولنمقده در . بعضی امارات مشهوده اقتضا سنجه
 دول مشارالیه م بیشده اتفاق حقیقینک فقداننه نظراً هر نقدر

بعید کورینور ایسدهده بالفرض متحد آروسیده اعلان حرب به
 قرار ویراسه یله موسم مساعد اولدیغندن مصلحت بیه حال
 اول بهاره تعلیق اولنور . و اووقته قدر ایسه بیچاره لهلولرک مقاومت
 قدر تیاب اولوب اوله میه جقتری مشکوکدر . لهستان دخی
 داخل اولوق اوزره روسیه ممالکنک کافه سنه بعض امتیازات
 اعطاسی مذاکره سی ایچون کچنده پترسبورغده عقد
 اولنان مجلس عومیده اکثریت امتیازات مجبوره یک عدم اعطاسی
 طرفنده حاصل اولدیغندن لهستان مسئله سنک حلی ایچون
 انتظار اولنان شو امید دخی منقطع اولمشدر .

اوستریا دولتی لهستان مسئله سی حقنده انکتره و فرانسه دن
 تفریق ایچون روسیه دولتی طرفندن یک چوق صرف مساعی
 اولنوب حتی غراندوق قسطنطینک کچنده و یانه یه کیدیشی دخی
 شو امله مبنی اولدیغی و فقط اوستریا دولتی دولتین مشارالیهما
 ایله اولان اتفاقدنه اعلان حرب زمانه دکی ثابت قدم اولوب
 مصلحت بو پرسه یه کلور ایسه ایریلوب ایرلماسی مجهول
 بولدیغی بعض غزتهل مطالعاتنددر .

لوندرده افکار عوام لهلولره معارفت ماده اجرا سی طرفنده
 ایسدهده وکلا و اصلزاد کالک رأیلری بونک خلافتده در .
 کچنده برضیافتده خارجییه ناظری لورد جون رسل طرفندن
 ایراد اولنان نطق رسمیده روسیه یه طوقنور بعض سوزلر
 وار ایسدهده نتیجه سی ینه محاربه دن اجتنابی متضمندر .
 انکلز غزتدر ینک کافه سی روسیه نک مسلکنی تعبیح ایله لهلولره
 شمیدین بفرقه محاربه نظریله با قلمسی لازمه دن اولدیغنی بیان

ایدیورل . شمدیاك لهلول حقنده اجرا اولنه جق معاونت
معنویه انجق شو خصوصدن عبارت اوله بیلور ظن اولنیور
یکنده فرا نفقورته عقد اولان الامایا حکمدارنی مجلسنده
حکمداران مشارالیهی ایتالیا علیهنه تحریك ایچون اوستریا
ایمپراطوری طرفندن بعضی مقالات تفوه اولنسی ایتالیا
دولتی وسوسه یه دو شوره رك ایتالیا ده قوهٔ عسکریه نك
تنظیم وتکثیرینه زیاده سیله اعتنا اولمقده در . صوما نام موقعده
بریوك آتش تعلیمی اجرا اولنه زق قرال و وکلا جلة
حاضر بولمشلردر .

فاس دولتی تبعه سندن بعضی اشقیاك اسپانیا تبعه سی
حقنده تجاوزی حرکته بولندقلری دولتین ییشده حصول برودته
باعث ارلش واسپانیا دولتی طرفندن تدارکات حریه یه بیله
قالقشلمش ایسه ده فاس دولتی اشقیای مر قومه یی تأدیب ایله
اسپانیا دولتلك استحصال ممنونیتنه مبادرت ایلدیکی اخبار
اخیره ندر .

یونانستان قرالی جورجك مقر حکومته مواصلتی اشبو تشرین
اولك نهایتنه تخمین اولنیور . مشارالیهك انکلتزه قرا ایچه سنك
کریمه سنی تزوج ایده جکی حوادثی کسب صحت ایتکده در .
قرالك ورودنده اجرای شهر آیین اولمق و سائر درلو علائم
ممنونیت کوسترلك اوزره آتنده تدارکات کلیه یه تشبث
اولندیغی مرویدر . جزایر سبعه نك یونانستانه التحاقنه
جزایر مذکوره دلت مجلسنده قرار ویریله رك کیفیت
رسمیاً اعلان اولمشدر .

ممالك مجتمعة امر يقاده الان محاربہ کمال شدتله دوام ایتکده در .
 بعض کمره جمهور جنوبی دخی مظهر غلبه اولبور ایسه ده
 اکثرا جمهور شمالی نابل مظفریت اولمقده در . باب حربک
 انسدادی طرفیندن برینک قوتنه ضعف کلی کلمکله حاصل
 اوله جغنه و شمديکی حالدہ جمهور جنوبی به جمهور شمالیدن زیاده
 ضعف طاری اولمش ایسه ده تحفظی حرکت ایتدیکی حالدہ
 خیلی مدت دهها مقاومت ایده بیله جکی درکار اولدیغنه بناء
 امر یقا مسئله سنک یقین وقتلرده حلی مأمول اولنه مز .

مکسیقا ایمپراطوری انتخاب اولنان ارشیدوق مقسیمیله مذکور
 ایمپراطورلغی رسماً عرض و تکلیف ایچون مکسیقادن کوندریلان
 مرخصلر مشارالیه ملاقات ایتدکارنده مکسیقا شهری معتبرانی
 طرفندن ویریلان قراره عموم ملت موافقت ایتدیکی و مکسیقا
 ممالکنک استقلال و تمامی حقنده تأمینات لازمه اعطا اولندیغی
 حالدہ تکلیفلرینی کمال ممنونیتله قبول ایده جکنی بیان الماسدر .